

[Missing]

PREAMBULO

Nûxû tacuaxgû rû guxûma î duûxûgû rû nawûxigu i Tupanapexewa rû tataxuma ya texé i togûarû yexera ixîxê. Rû name nixî na nataâêgûxû î guxûma î duûxûgû. Rû ngêmacax tama tanaxwaxe i texé nûxû tarûporamaê î togû i duûxûgû rû exna chixri namaâ tachopetû.

Nûxû tacuaxgû rû ñuxguacû rû togû i âêxgacûgû rû chixri nûxna nadau i norû duûxûgû rû chixri namaâ nachopetû. Rû wûxi i taxû î chixexû nixî î ngêma î guxû î duûxûgûpexewa. Rû ñuxma tanaxwaxe i guxû î duûxûgû i guxû î naânewa rû meâ namaxê. Rû tama name na texé nachyxuxû î ngêma nûxû yaxuxchaûxû î duûxûgû. Rû tama name na texé nachyxuxû î ngêma nûxû yaxôgûaxû î duûxûgû. Rû tama name î togûxû na namuûêxû î duûxûgû.

Rû tanaxûmatûgû i ñaâ oregû erû tanaxwaxe i âêxgacûgû meâ nûxna nadaugûxû î norû duûxûgû. Erû tama tanaxwaxe i yixcûra tacû rû chixexûcax norû âêxgacûmaâ nanuê î duûxûgû rû namaâ nûgû nadai.

Tama name î wûxi i nachiûâne rû to i nachiûânemaâ nûgû na naðaixû.

Poperawa tanaxûmatûgû rû guxûma î nachiûânecûâxgû i duûxûgû rû nawûxigu i Tupanapexewa rû tataxuma ya texé ta togûarû yexera ixîxê. Rû yatûgû rû ngexûgû rû nawûxigu, rû wûxichigû rû name. Rû name nixî na naxâxchiruxû i guxû i duûxûgû rû name nixî na naxâwemûxû. Rû name nixî î meâ nûgûmaâ na namaxêxû î duûxûgû rû tama nûgû na naðaixû.

Rû guxâma i yixemagû i ngutaqexegûxû rû tapuracûechaû na nûxû nangûxêêgûxûcax i guxûma î duûxûgû na aixcûma meâ namaxêxûcax rû nataâêgûxûcax.

Rû ñuxma tanaxwaxe i guxûma î duûxûgû nûxû nacuaxgû i ngêma uneta. Rû ngêmacax name nixî na meâ naxûmatûgûxû na nûxû nacuaxgûxûcax i guxûma î duûxûgû.

GUXÂMA Î YIXEMA Î GUXÛ Î NACHIÛÂNEWA NE ÎXÊ

Rû nûxû tixu rû ñatarûgûgû:

Rû nangêxma î maxû î mexû î guxû î duûxûgûcax ixîxû, rû taxucûrûwa i texé tanachûxu i ngêma. Rû tanaxwaxegû i guxû î nachiûânecûâx i duûxûgû nûxû nacuaxgû i ngêmachiga. Rû ngêmacax rû name nixî na guxûwama duûxûgû nanagûxêêgûxû î ngêmachiga, na guxûma î duûxûgû nûxû nacuaxgûxûcax.

ARTICULO 1.

Ngêxguma nabuxgu i duûxûgû rû guxûma nawûxigu, rû tataxuma ya texé ya togûarû yexera ixîsê. Rû guxûma naxââêgû rû ngêmacax rû name nixî na nûgûmaâ namecûmaxû î guxûma î duûxûgû.

ARTICULO 2.

Rû name nixî na wûxichigû i duûxû meâ namaxûxû ngêxgumarûû i ñaâ popera nûxû ixuxûrûû. Rû taxucûrûwa i texé tanachûxu i ngêma. Rû nûêta i ngexta nabuxgu i wûxi i duûxû, rû exna tacû rû duûxû yixixgu. Rû nûêta ega yatû yixixgu rû exna ngexû yixixgu. Rû nûêta i tacû i nagawa yadexaxgu rû exna ñuxâcû Tupanaâxû yaxôôgu. Rû nûêta ega tacû rû âêxgacûtanûxû yixixgu rû exna tacûgu naxînûgu. Rû nûêta ega namuârû diêruâxgu rû exna tama. Erû guxû î duûxûgûcax nixî î ñaâ maxû î mexû.

Rû nûêta ega tacû rû nachiûânecûâx yixixgu i wûxi i duûxû, erû guxû î nachiûâx i duûxûgûcax nixî î ñaâ maxû î mexû.

ARTICULO 3.

Rû ngêxguma tama tacû rû chixexû naxûxgu i wûxi i duûxû rû taxucûrûwa wûxi i âêxgacû nûxna nanachûxu i tacû i mexû î nagu naxînûxû rû taxucûrûwa naxâûxûneâcû rû exna napoxcuaxû rû exna yamáâxû.

ARTICULO 4.

Rû ngêxguma togûâxû napuracûgu i wûxi i duûxû name nixî na nayauxâxû î natanû. Rû tama name na ngetanûâcûma na napuracûxêêâcû.

ARTICULO 5.

Rû tama name na wûxi i âêxgacû nûxna na naçuaixcaxû î wûxi i duûxû rû exna chixri namaâ naxûpetû wûxi i airurûrû.

ARTICULO 6.

Rû marû name na âêxgacûpexewa na nanguxû î ngexûrûxû î duûxû na norû guxchaxû yaxuxûcax na namexêêâxûcax.

ARTICULO 7.

Rû âêxgacûpexewa rû guxûma î duûxûgû rû nawûxigu. Rû name nixî î âêxgacû na nûxû rûngûxêêxû î guxûma. Rû tama name na chixexû namaâ naxûxû î wûxi, rû nûxû na nangûxêêxû î to, erû guxûma î duûxûgû rû nawûxigu.

ARTICULO 8.

Rû ngêxguma texé tacû rû chixexû wûxi i duûxûmaâ taxûxgu rû name nixî na âêxgacûpexewa na naxûxû î ngêma duûxû. Rû marû name na âêxgacûmaâ nûxû na yaxuxû na âêxgacû namexêêxûcax i ngêma.

ARTICULO 9.

Rû ngêxguma tama tacû rû chixexû naxûxgu i wûxi i duûxû rû taxucûrûwa wûxi i âêxgacû nanapoxcu. Rû taxucûrûwa norû nachiûânewa înanatâxûchi.

ARTICULO 10.

Rû ngêxguma wûxi i duûxû to i duûxûxû îxuâxûgu rû taxucûrûwa âêxgacû nanapoxcu ega tama meâ nûxna nacaxiragu i ngêmachiga.

ARTICULO 11.

Rû ngêxguma wûxi i duûxû to i duûxûxû înaxuâxûgu rû taxucûrûwa i âêxgacû nûxû nixu na aixcûma wûxi i chixexû na naxûxû ega tama meâ nûxna nacaxiragu i noxrix.

Rû ngêxguma tama âêxgacû nachyxuxgu i noxrix, rû taxucûrûwa i yixcûra rû wûxi i duûxû napoxcu naxçax i ngêma. Rû taxucûrûwa poraâcû nanapoxcu ega tama nataxgu i ngêma chixexû î naxûxû î wûxi i duûxû.

ARTICULO 12.

Rû ngêxguma tacû rû chixexû naxûxgu i wûxi i duûxû rû taxucûrûwa i âêxgacû nanapoxcu i naxmaç rû exna naxâcûgû naxçax i ngêma. Rû taxucûrûwa âêxgacû ngêma duûxûpatagu naxûcu rû exna ngêma duûxûârû carta niwâxna. Rû taxucûrûwa âêxgacû nûxû nixu i tacû i ore i chixexû î ngêma duûxûchiga, erû nachyxu i ngêma.

ARTICULO 13.

Rû ngêxguma chi ngextá naxûxchaûgu wûxi i duûxû î nachiûânewatama rû taxucûrûwa âêxgacû nanachûxu i ngêma.

Rû ngêxguma chi to i nachiûânewa naxûxchaûgu rû taxucûrûwa âêxgacû nanachûxu i ngêma. Rû taxucûrûwa nanachûxu na nataeguxû.

ARTICULO 14.

Rû ngêxguma wûxi i âêxgacû chixexû namaâ ûxchaûgu i wûxi i duûxû rû marû name na ngêma âêxgacûchaxwa yaxûxû rû to i nachiûânewa naxûxû.

Natûrû ngêxguma aixcûma wûxi i chixexû naxûxgu i ngêma duûxû rû marû name î âêxgacû nanataeguxêê na napoxcuâxûcax.

ARTICULO 15.

Marü name na wüxichigü i duüxüâxü na nangëxmaxü i norü bupane rü nachiüâne.

Taxucürüwa wüxi i âëxgacü nanapu i wüxi i duüxüarü bupane. Natürü ngëxguma nanaxwaxegu i wüxi i duüxü rü marü name na nüxna na yaxüxü i ngëma nachiüâne na to i nachiüânewa naxüxüçax na ngëmaxüâx yixixüçax.

ARTICULO 16.

Ngëxguma nayaxgu i yatü rü marü name na naxâmaxü. Rü ngëxgumarüü i ngexügü rü ngëxguma nayaxgu rü marü name na naxâtexü. Rü nüêta ega tacü rü duüxü yixixgu i nümagü rü ɛxna tacü rü nachiüânegüâx yixixgu rü ɛxna tacü rü machiüânecüâ yixixgu rü ɛxna ñuxacü Tupanaâxü yaxôägu. Rü taxucürüwa texé nüxna tanachuxu i ngëma na naxâmaxü rü ɛxna naxâtéxü rü ɛxna naxâxácüxü. Rü ngëma yatü rü ngëma ngexü rü nawüxigumare.

Rü ngëxguma tama naxâtechaügu i wüxi i ngexü rü taxucürüwa texé tanamu na naxâtéxüçax. Tü ngëxgumarüü i yatüxü rü ngëxguma tama naxâmaxchaügu rü taxucürüwa texé tanamu na naxâmaxüçax.

Rü marü name na naxâmaxü rü naxâtéxü rü naxâxácüxü i duüxügü. Rü name nixí na âëxgacü rü ngëma duüxügüxü inapoxüxü rü nüxna na nadauxü.

ARTICULO 17.

Rü marü name na wüxichigü i duüxü rü nüxü nangëxmaxü ya napata rü norü naâne rü norü ngëmaxügü. Rü ngëxguma chi to i duüxuümaâ yatoyechäüägu i norü ngëmaxügü gü marü name na yatoyëxü.

Rü taxucürüwa texé wüxi i duüxüna tanapu i norü ngëmaxügü rü napata rü ɛxna tacü i to i nüxü ngëxmaxü.

ARTICULO 18.

Rü wüxichigü i duüxü rü marü name na nüma nanaxwaxexüâxüma nagu na naxínüxü ɛxna Tupanaâxü na yaxôôxü. Natürü ngëxguma toácüma nagu naxínüchaügu rü ɛxna toácüma Tupanaâxü yaxôxchaüägu rü taxucürüwa texé nüxna tanachuxu i ngëma. Rü ngëxguma togümaâ nüxü yaxuxchaügu i ngëma nagu naxínüxü rü ɛxna yaxôxü rü ngëma rü ta rü name. Rü ngëxguma nüxícatama Tupanaâxü yaxôxchaüägu rü ngëma rü name. Natürü ngëxguma togümaâ nangutaquëxechaügu na Tupanaxü yacuaxüxügüxüçax rü ngëma rü ta name rü taxucürüwa texé tanachuxu i ngëma.

ARTICULO 19.

Rü wüxichigü i duüxü rü marü name na nüma nanaxwaxexüâcüma nagu na naxínüxü rü taxucüma texé nüxna tanachuxu i ngëma. Rü taxuacüma texé tanapoxcu naxçax i ngëma nagu naxínüxü. Rü taxucürüwa texé tanachuxu na togümaâ nüxü na tixuxü i ngëma nagu tarüxinüxü.

ARTICULO 20.

Rü ngëxguma nangutaquëxechaügu i wüxi i duüxü rü taxucürüwa texé nüxna tanachuxu i ngëma ngutaquëxe.

Taxüema nüxna tanachuxu i wüxi i duüxü ega tama nanaxwaxegu na wüxi i ngutaquëxetanüxü nügü yaxixëëxü.

ARTICULO 21.

Rü ngëma na âëxgacüxü yangucuchixëëxü i wüxi i duüxü rü guxü i duüxügümëxëwa nangëxma i ngëma.

Rü name nixí na âëxgacü nüxü rüngüxëëxü i guxüma i ngëma duüxügü i naxmëxwa ngëxmagüxü.

Rü name nixí na nangutaquëxegüxü i duüxügü na meâ nüxü naxunetaxüçax i norü âëxgacügü. Rü name nixí na wüxichigü nüxü naxunetaxü i na ngexürüüxü i âëxgacü nanaxwaxegüxü.

ARTICULO 22.

Rü name nixí na âëxgacü nüxü rüngüxëëxü i guxüma i norü duüxügü na meâ namaxëxüçax rü taxuma tacü rü chixexü namaâ naxügüxüçax i ngëma norü duüxügü.

ARTICULO 23.

Rü name nixí na wüxichigü i duüxü nüxü na nangëxmaxü i norü puracü. Rü taxucürüwa texé nüxna tanachuxu na napuracüxü nawa i ngëma norü puracü i nüma nanaxwaxexü. Rü taxucürüwa texé tanamu nawa i wüxi i puracü i tama nüma nanaxwaxexü.

Rü name nixí na wüxichigü i duüxü fü nayauxâxü i natanü naxçax i norü puracü. Rü ngëxguma ñuxre i duüxügü napuracüegu i wüxi i puracüwa, rü ngëxguma nawüxiguxgu i ngëma norü puracüwa, rü name nixí na nawüxiguxü i natanü i ngëma puracüçax nayauxgüxü.

Rü ngëxguma wüxi i duüxü rü to i duüxüna naxâägu i wüxi i puracü rü name nixí na meâ nüxü na naxütanüâxü. Erü name nixí na wüxichigü meâ nayaxuxü i natanü na ngëmamaâ meâ nüxna na nadauxüçax i ngëma naxmçax rü naxácügü.

Rü ngëxguma ñuxre i puracütanüxügü wüxigu puracüchaügu na meâ nüxü naxütanügüâxüçax rü taxucürüwa texé tanachuxu nüxna i ngëma.

ARTICULO 24.

Rü guxüma i duüxügü rü name na nangügüxü i ñuxguacü na tama guxüguma napuracüexüçax. Rü ngëxguma wüxi ya taunecü wüxi i corixütawa napuracügu i wüxi i duüxü rü name nixí na ngëma cori nüxna na nxâxü i ñuxre i ngunexü na nangüxüçax. Rü name nixí na ngëma ngunexügü i nagu nangüxü i ngëma cori nüxü na naxütanüxü naxçax i ngëma ngunexügü i nagu nangüxü i ngëma norü duüxü.

ARTICULO 25.

Rü name nixí na meâ namaxüxü i wüxichigü i duüxü na tama yaäaawexüçax i nüma rü naxmçax rü ɛxna naxâpataxü i wüxichigü i duüxü. Rü ngëxguma yaäaawexgu rü name nixí na nangëxmaxü i norü duturu. Rü ngëxguma taxuacüma norü puracüxü iyangauxgu i wüxi i duüxü rü name nixí na âëxgacü nüxü rüngüxëëxü. Rü ngëxguma nayutegu rü ɛxna poraäcü nayaxgu i wüxi i duüxü rü nüxü natauxgu i ngëma norü ngüxëëruü, rü name nixí na âëxgacü nüxü rüngüxëëxü.

Rü name nixí na âëxgacü nüxü rüngüxëëxü i ngëma ngexügü i âxâxügüxü. Rü ngëxgumarüü ta name nixí na âëxgacü nüxü rüngüxëëxü i guxüma i buxügü woo naxânatügu rü ɛxna nangenatügu.

ARTICULO 26.

Rü name nixí na poperaxü nacuaxgüxü i guxüma i duüxügü. Rü tama name na buxügü naxütanügüxü naxçax i ngëma na nangüexü. Rü name nixí na guxüma i papagü rü norü buxügüxü namuxü na nangüexüçax. Rü ngëxguma secundáriawa rü ɛxna institútowa rü ɛxna universidáwa naxüxchaügu i wüxi i naxäcü rü name nixí na ngëma naxüxü ega chi aixcüma mexü i buxü i ngüxwaxexü yixixgu.

Rü ngëma buxügüarü profesörgü rü name nixí na meâma nangüexëëâxü i buxügü na meâ guxü i duüxügumaâ namaxëxü. Rü taxüena nachúxaxüçax na nügü nangechaügüxü i wüxichigü i nachiüâne rü ɛxna duüxügü i to i nagawa idexagüxümaâ rü ɛxna nüxü yaxôôxü na ngëmaâxü nataâëgüxüçax.

Rü ngëxguma wüxi i papa rü wüxi ya escuela ya mexünewa namuxchaüägu i norü buxü rü ngëma rü ta name.

ARTICULO 27.

Rü name nixí na wüxichigü i duüxü rü nataâëxü namaâ i guxüma i mexügü i norü iânewa ngëxmaxü. Rü ngëxguma nangëxmagu i tacü i mexü i iâneärü ixixü rü name nixí na nüxü nacuáxü na guxüärü yixü i ngëma.

Rü ngëxguma texé naxümatügu i wüxi i popera rü ɛxna wüxi i naxchicünçaxä taxixgu rü namaâ tataxegu, rü name nixí na tanayaxuxü i natanü naxçax i tümaärü puracü.

ARTICULO 28.

Rü taxucürüwa texé tanachuxu na meâ ñaâ popera nüxü ixuxürüü namaxüxü i wüxi i duüxü.

ARTICULO 29.

Rü name nixĩ na wüxichigü i duũxũ rü meã norü iãneçax napuracũxũ rü meã guxũ í togü i norü iãnecũãxgũmaã namaxũxũ.

Rü name nixĩ na meã namaxẽxũ í guxũma í duũxũgü, natürü taxucürüwa texé chixri naga taxĩnũ í tũmaãrũ ãẽxgacũ. Rü tama name na wüxi i duũxũ rü to i duũxũmaã chixexũ naxũxũ.

Rü taxucürüwa texé chixri naga taxĩnũ í ngéma nüxũ yaxuxũ í ñaã popera erũ ñã nixĩ í nagu naxĩnũẽxũ í guxũma í nachiũãnegü i wüxigu rüxĩnũẽxũ.

ARTICULO 30.

Rü guxũ í nachiũãnewa rü taxucürüwa țacũ rü ãẽxgacũ chixri naga naxĩnũ í ñaã popera. Rü name nixĩ na guxũma í togü i duũxũgü rü ta meã naga naxĩnũẽxũ í ñaã popera. Erũ tanaxwãxe na meã namaxẽxũ í guxũma í duũxũgü í ñaã popera nüxũ ixuxürũũ.